



Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1862

CDIV. Notarieller Kauf-Contract und Consens zwischen Swieprecht Schulze, Pfarrer zu Jeeben, und Genossen einestheils und Peter Müller zu Alem, Henning Mesin und Genossen andernteils über einen Hof ...

Nutzungsbedingungen

[urn:nbn:de:hbz:466:1-55716](https://nbn-resolving.org/urn:nbn:de:hbz:466:1-55716)

CDIV. Notarieller Kauf-Contract und Consens zwischen Swieprecht Schulze, Pfarrer zu Zeeben, und Genossen einestheils und Peter Müller zu Alem, Henning Mefyn und Genossen andertheils über einen Hof zu Medebek, vom 23. Mai 1545.

Inn dem Namen des hern Amen. Im Jare na des fuluigenn vnzes hern Jhesu Christi gebort dusenth viffhunderth vyff vnde veertich, In der druddenn Indictien edder Romer tal, Sonnauenth des dre vnde twyntigstenn dages des Mantes May, vmme vespertidt dages edder na dar by, Pauwestdumb des alderhilligestenn In godt vaders vnde hern, vnzes hern Pauli Godtliger vorsichtigeith des dridenn des Namen, des elftten Jares syner regeringe, In myner openbarn schryuers edder Notarienn, vnd Tugenn hirvndengefereuenn, hir to funderlich geforderth vnd gebedenn, Jegenwardicheith syn parsonlich erschienen de Erhafftiger vnd Beschedenn her Swieprecht schultenn, Parnher tho Jobenn, Henning krummel, pauwel beckmann, wonheftich dar suluesth, vnd Magnus Sokeforth, to Betzendorpe wonheftich, vnd hebbenn In myner Notarien vnd tugenn Jegenwardicheith frywillich vngenedigett gesecht vnd bekanth, datt sze vann Peter Mullere to Alem eyns, Henning Mefynn dem elderen, kersten, Henninge vnde Dreuwes, synenn Szonenn, to Medebecke wonheftich, anders deyls, de dem gedachtenn Peter muller vnd synenn eruen ohrenn hoff darfuluesth to Medebecke Ewich vnd Erfflich vor Negentich guldenm munte vnde eyn veth Swyn Na Lude eyner vpperichtedenn vtheinander geschedenn kop cedulenn, wu dorch denn vorbenomedenn hern Swieprecht schultenn mith eygener hanth gescreuenn vnd mick Notarienn vnde tugenn dorch denn vpedachtentenn Peter mullerenn vorgestalth vorkofft hebbenn vnde des koppeltes vormoge eyner quitantienn, de he mick vnd den tugenn ock beanthwordett, wol to dancke vornogett vnd betalth synn, doch datt de gedachtenn Mefyn, Ohrenn vedderenn, Petern vnd wylhelmen Mefyn, gebroiderenn, viff marck Soltwedelscher weringe, wu de fuluigenn Inn dem gedachtenn Houe noch schullenn gehatt hebbenn, van dem benomedenn koppelde entrichtenn vnde betalen wyllen, Alze tugenn des vorberurdenn kopes, den de gnanten koper vnd verkopers vnder fick touornn gemakett vnd vpperichtt, geforderth vnd gebedenn synn, wellicher tucheniffze sze ock also gestendich vnd vor Idermennichligenn, wur sze derhaluenn tor gude edder tho Rechte geforderth, bekennich vnd gestendich synn wyllenn. Ouer solliche bekanthniffze der vorbenomedenn tugenn vnd bewyfyng der kop vnd Quitantze cedulenn hefft Mick Notarien, vndergescreuenn, de gnante Peter Muller gebedenn, datt Ick ohme hir ouer ein edder mher opentlich Instrumenth ferdigenn vnd makenn wolde. Geschein to Betzendorpe Verdenfisches Styffts, vp Frytzenn van der Schulenborch des olderenn behufyng Inn der houe dorniffzenn, Im Jare Indictionn, Mante, dage, Stunde vnd Pauwestdums wu vor. Hyr by, an vnd ouer syn gewelfzenn de Erbar Erneueste vnd beschedenn Frytze vann der Schulenborg de Older, Clemens Mackestorp vnd kerstenn meyer, tugenn hir to geforderth vnd gebedenn.

Vnde de wyle Ick Joannes kerstens, Clericus Hildensfemenfis Styffts, vann Prauwestliger gewalt openbarer Schryuer vnd Notarius, by Sollicher bekanthniffze der tugenn etc. —